

CONVENIO ENTRE O INSTITUTO GALEGO DA VIVENDA E SOLO E O CONCELLO DE VIGO POLO QUE SE PRORROGA A VIXENCIA DO CONSORCIO DO CASCO VELLO DE VIGO.

REUNIDOS

Dunha parte, Dona Ángeles Vázquez Mejuto, conselleira de Medio Ambiente, Territorio e Vivenda, en virtude das atribucións que lle confire o Decreto 112/2020, do 6 de setembro, polo que se nomean os titulares das vicepresidencias e consellerías da Xunta de Galicia (DOG núm. 181, do 7 de setembro) e na súa condición de presidenta do Instituto Galego da Vivenda e Solo (en adiante, IGVS), segundo o artigo 4 Decreto 97/2014, de 24 de xullo, polo que se establece a estrutura orgánica do IGVS (DOG núm. 147, do 5 de agosto).

Doutra parte, o Concello de Vigo, representado polo seu Alcalde-Presidente, Don Abel Ramón Caballero Álvarez, con competencias para asinar este convenio, segundo o disposto no art. 21 da Lei 7/1985, do 2 de abril, reguladora das bases de réxime local, e no artigo 24 do Real decreto legislativo 781/1986, do 18 de abril, polo que se aproba o texto refundido das disposicións legais vixentes en materia de réxime local.

As partes recoñécense, no concepto no que respectivamente interveñen, capacidade para o outorgamento do presente documento e, para o efecto,

EXPOÑEN

Primeiro.- Que o IGVS é o organismo autónomo creado pola Lei 3/1988, do 27 de abril, encargado de executar a política de vivenda e solo da Xunta de Galicia, podendo, para o adecuado exercicio das súas competencias, segundo se establece no artigo 5 da antedita lei e no artigo 12 do Decreto 288/1988, do 29 de setembro, do seu desenvolvemento, subscribir os correspondentes convenios con outros organismos e entidades, así como con empresas con participación pública maioritaria. A súa actividade urbanística, segundo se desprende do establecido no artigo 4.1 e) da súa lei de creación, pode abranguer, tanto a promoción de solo e a renovación ou a remodelación urbana, como a realización de obras de infraestruturas e de dotación de servizos.

Segundo.- Con data 3 de febreiro de 2005 asinouse un convenio entre o IGVS, o Consorcio da Zona Franca de Vigo e o Concello de Vigo para a creación dun consorcio interadministrativo como ente organizativo con personalidade xurídica propia. Como consecuencia deste convenio creouse o "Consortio Casco Vello de Vigo".



O Consello de Administración do Consorcio da Zona Franca de Vigo, na súa sesión do 28 de novembro de 2006, acordou por unanimidade a separación do Consorcio da Zona Franca de Vigo, feito que se acordou pola Comisión liquidadora, nomeada para o efecto, na súa sesión do 17 de xullo de 2007. Posteriormente, acordouse que o Consorcio do Casco Vello de Vigo estivera participado nun 90% polo IGVS e o 10% restante polo Concello de Vigo.

Terceiro.- O 7 de decembro de 2011 asinouse un convenio ente o IGVS e o Concello de Vigo mediante o cal se modificou o artigo 4.3 dos Estatutos do Consorcio de Casco Vello de Vigo.

Cuarto.- O 16 de decembro de 2011 asinouse un novo convenio en virtude do cal se prolongou a súa vixencia ata o día 30 de xuño de 2012.

Quinto.- O 29 de xuño de 2012 asinouse un convenio no que se acordou prorrogar a vixencia do Consorcio ata o 30 de decembro de 2012.

Sexto.- O 17 de outubro de 2012 asinouse un convenio no que se acordou modificar os estatutos do Consorcio e prorrogar a súa vixencia ata o 30 de decembro de 2017.

Sétimo.- O 26 de decembro de 2017 asinouse un novo convenio, no cal prorrogouse a vixencia do Consorcio ata o 31 de decembro de 2021.

Oitavo.- O 9 de decembro de 2019 asinouse un convenio, fixando as achegas dos entes consorciados para os exercicios 2020 e 2021 do seguinte xeito:

	2020	2021
IGVS	400.000,00 €	400.000,00 €
Concello de Vigo	44.444,00 €	44.444,00 €

Noveno.- O artigo 6 dos Estatutos sinala que o que o Consorcio manterase vixente ata o 30 de decembro de 2017, podéndose prorrogar a súa vixencia, dentro dos seis meses anteriores á data da súa disolución, por transcurso do prazo legal de existencia por convenio entre as partes. No dito convenio determinarase o período de prórroga e os efectos acordados para esta.

Á vista do disposto no artigo citado, do feito de que a prórroga acordada no convenio asinado o 26 de decembro de 2017 está próxima a expirar e de que as administracións integrantes do Consorcio do Casco Vello de Vigo coinciden na súa vontade de que a devandita entidade continúe desenvolvendo a súa actividade ao longo dos próximos anos, as partes acordan formalizar o presente convenio, con suxeición ás seguintes



ESTIPULACIÓNS

Primeira.- Obxecto

O presente convenio ten por obxecto prorrogar a vixencia do Consorcio do Casco Vello de Vigo ata o 31 de decembro de 2025.

Segunda.- Réxime orzamentario

Para o financiamento das actividades do Consorcio durante o período 2022 a 2025, as partes comprométense a realizar as seguintes achegas:

	2022	2023	2024	2025
IGVS	400.000,00 €	400.000,00 €	400.000,00 €	400.000,00 €
Concello de Vigo	44.444,00 €	44.444,00 €	44.444,00 €	44.444,00 €

Terceira.- Réxime xurídico

Ao presente convenio seralle de aplicación o disposto na Lei 5/1997, do 22 de xullo, de Administración local de Galicia, a lexislación básica en materia de réxime local, así como a regulación dos consorcios prevista Lei 40/2015, do 1 de outubro, de réxime xurídico do sector público.

As partes asinantes acordan o sometemento á xurisdición contencioso-administrativa para resolver as discrepancias que puidesen xurdir en aplicación do presente convenio.

Cuarta.- Causas de Resolución

Son causas de resolución do presente convenio:

- O incumprimento total ou parcial das súas cláusulas.
- O transcurso do tempo estipulado sen que se leve a termo o obxecto do mesmo, agás causa debidamente xustificada.
- O mutuo acordo das partes.

Quinta.- Protección de datos

De conformidade co establecido no artigo 14 e seguintes da Lei 19/2013, de 9 de decembro, de transparencia, e no artigo 29 da Lei 1/2016, de 18 de xaneiro, de transparencia e bo goberno, acceso á información e bo goberno, os asinantes manifestan o seu consentimento para que os datos persoais que constan no presente convenio e demais especificacións contidas no mesmo poidan ser publicados no Portal



de Transparencia e Goberno Aberto.

As partes comprométense a tratar os datos persoais que foran postos no seu coñecemento unicamente coa finalidade e alcance de executar o establecido no presente Convenio, respectando os requisitos establecidos na Lei orgánica 3/2018, de 5 de decembro, de protección de datos de persoais e garantía dos dereitos dixitais, e na súa normativa de desenvolvemento.

En proba de conformidade, asínase o presente convenio, en triplicado exemplar, no lugar e data citados supra.

POLO IGVS

POLO CONCELLO DE VIGO

Ángeles Vázquez Mejuto

Abel Ramón Caballero Álvarez

